

常識叢書

第三種

資 本 問 題

上海中華書局印行

民國十五年四月三號
民國十五年四月三號
民國十五年四月三號
民國十五年四月三號



總發行所

上海棋盤街

分發行所

北平 天津 張家口 邢台 保定
濟南 青島 太原 開封 西安 蘭州 成都
重慶 長沙 常德 衡州 漢口 沙市 南昌
九江 安慶 蕪湖 南京 徐州 杭州 蘭溪
福州 廈門 廣州 汕頭 潮州 梧州 雲南
貴陽 奉天 吉林 長春 新加坡

編者 校者 發行者 印刷者 印刷所

常識叢書

資本問題(全一冊)

定價銀二角五分

(外埠另加郵匯費)

吳應圖

方欽照

中華書局

中華書局

中華書局

中華書局

中華書局

例言

一資本爲人類滿足慾望之要具，其範圍至廣。本編自資本之意義起，迄乎資本主義的生產之崩壞止，計七章。問題由淺而深，敘論自簡至詳，條分縷晰，閱之可一目瞭然。

一本編理論與事實，均由著者以銳利之目光，根據現實社會考察而得，故語語皆有經驗，閱之可以正確明瞭資本在社會上之價值，及其趨勢。

一凡一問題之學說分歧者，如資本意義之解釋，資本與土地之關係，資本構成之原因等，皆列舉各說，評其得失，俾閱者得以折衷參考。

一 馬克思之資本複生產論，及資本主義的生產之崩壞，爲資本問題之最要者，本編敘述特詳，以便閱者深造研究。

一本編有與本局出版常識叢書中之利息問題關聯處，閱者可并讀而對照之。

資本問題目次

第一章 資本之意義……………一

第一節 財產與資本之關係……………二

第二節 資本與土地之關係……………七

第三節 生產資本與死資本……………九

第四節 國民經濟上之資本與私經濟上之資本……………一一

第二章 資本之種類……………一二

第一節 流動資本與固定資本……………一四

第二節 運轉資本與設備資本……………一五

第三節 生產資本與營利資本……………一六

第四節	增加性資本與不增加性資本……………	一八
第五節	有形資本與無形資本……………	一九
第三章	資本之構成……………	二一
第一節	資本構成之原因……………	二二
第二節	資本構成大小之原因……………	二八
第四章	資本之效用……………	三四
第五章	資本之發生及消滅……………	三八
第六章	資本聚集之必然傾向……………	四六
第一節	資本之聚集集中及積蓄……………	四六
第二節	所謂結合生產費之理論……………	五〇
第三節	固定資本之使用與生產費之結合……………	五四

第四節	一般工業與結合生產費之關係·····	五九
第七章	馬克思資本複生產論·····	六九
第一節	產業資本之循環·····	六九
第二節	各種生產業圓滑進行之兩條件·····	七四
第三節	生產業之二大部門·····	七九
第四節	單純複生產之表式·····	八二
第五節	擴張複生產之表式·····	八六
第六節	擴張複生產之內部的矛盾·····	九九
第七節	資本主義的生產之崩壞·····	一〇七

常識
叢書

資本問題

第一章 資本之意義

第一節 財產與資本之關係

人類莫不有慾望，充足其慾望者謂之曰財；而財之專屬於某一人（自然人或法人）者，總稱之曰財產。故財爲單獨名稱，財產爲總括名稱。

財產從使用目的方面言：可分爲（一）享用財產，（二）生產財產及營利財產兩大種類。享用財產，爲儲蓄以供享用之財產，如房屋、地產、器具、衣服、車馬、及普通存款等，爲一家之財產者是也。生產財產及營利財產，爲儲蓄以供生產及

營利之財產，如因從事農業，購買之田、地、農器、牛、馬、等類；因從事商業，所有之店鋪、貨物、資金、等類之財產是也。前者爲以直接使用之目的所有之財產，後者爲以間接使用之目的所有之財產；前者爲用諸消費之財產，後者爲用諸造財或得財之財產；前者爲儲備現在立即享用之財產，後者爲儲備利用增殖，以冀將來更多享用之財產。此種生產財產及營利財產，吾人簡稱之曰資本。故資本者、即儲供生產或營利之財產也。

雖然，資本之觀念，由國民經濟上觀察者，與由個人經濟上觀察者，微有不同。由國民經濟上言：資本者、爲儲供生產之財產，即生產財產是也。由個人經濟上言：資本者、爲儲供

營利之財產，即營利財產是也。此無他，由個人經濟上言，今日之生產，皆爲市場生產，亦皆營利生產故耳。

由是言之，經濟學上資本有二：一爲營利資本，二爲生產資本。前者稱私人資本，後者稱社會資本，國民資本，或國民經濟資本。蓋前者爲私人經濟的貨物增加之資料，而自一國一社會之經濟上言，非必卽有此種效果；後者則自社會全體言，常爲財貨生產之資料，

生產資本及營利資本，同爲生產物，且同爲獲得貨物手段之用，此兩者性質之所同也。顧其資以獲得貨物之方法則不同：營利資本之用途，在於營利，故除生產外，尙有交易貸付各方法；生產資本，則僅供生產已也。經濟學上、營利資本之概

念，注重分配，故爲利息論上所重視；生產資本則爲生產之一大要素，故爲生產論上所重視。

資本意義之解釋，從來學說紛歧，往時所稱資本，皆作貸付之本銀解；其後意義漸廣，遂爲用諸營利資金之總稱。及亞丹斯密等出，乃作生產的資本說。茲略舉之，第一說謂：『資本不僅爲物質的貨物，凡知識才能等類，精神要素，苟可爲生產或營利之資，則皆爲資本。』此說亞丹斯密等主之，但與資本概念之普通解釋，不無牴觸。第二說謂：『舉凡生產營利之資，所有外界貨物，即土地亦可併稱資本。』此說瓦穀那等主之。第三說謂：『不論是否用諸生產營利，惟注重於貨物之蓄積，與將來繼續使用之事實。凡爲繼續使用與將來使用一切積』

蓄之貨物，皆爲資本。』此說黑魯滿克尼士等主之，抹殺現存貨物之用途與經濟任務之區別，對於生產貨物與享用貨物，絕不爲之劃分，以爲資產之定義則可，以爲資本之定義，則殊失當。第四說謂：『以資本爲經濟社會之有資產者，恃其資產之力，使役無資產之勞工，從事生產，而壟斷其勞動結果之資料。』此說社會主義之學者主之，卽所謂「資本家利益壟斷說」也；但見營利資本之作用，而忘生產資本之作用，由生產見地言，蓋僻說也。第五說謂：『各人所有之貨幣，及可估作貨幣之營利資產，總稱之曰資本。』此說爲今世通說，蓋謂營利資產，卽資本也；此僅爲私經濟的解釋，雖不能極端否認，但未及國民經濟見地，故不能爲資本之完全解釋。蓋資本之作用，

既有生產分配兩面，其意義即須包括兩方，故資本之定義，要以前述者爲妥。

故吾人財產中，孰爲資本，孰爲非資本，此與財產之形體性質無關，而決於其人使用之目的如何而已。即財產之是否爲資本，非附隨於財產之性質，而附隨於人之關係也。故等是米也，自供食料，則爲享用財產，供勞工之食料，則爲生產財產；等是馬也，用諸耕作，則爲資本，用諸乘騎，則非資本。

資本之中，凡不能以數字估計價值者不與焉；故人之能力技藝，可爲財貨，而不可爲資本。反之，如商人之主顧，其價值可得而估，故得爲資本，但此特無形之資本耳。又有由個人私經濟言，不過爲純粹直接消費品者，而由國家經濟全體言，

往往可爲資本；緣一國資本之增加，除直接消費品外，由於能助生產者之多生產，多儲蓄也。

第二節 資本與土地之關係

夫儲供生產營利之財產，既總稱爲財產，則是否包含土地在內，此爲極可注意之問題。關於此點，學說有二派：其一謂資本應包含土地。若曰：『凡毫無人力之天然土地，固當屬諸生產第一要素之土地或自然中，但此等土地，古雖多而今則少。今之土地，多數非復自然原體，而加入資本勞力，以人力美化之，卽已資本化矣。此部分之土地，是亦一生產物，與機械器具相去不遠，故今日一部分土地，其性質實應算入資本。蓋資本者、儲供生產或營利之財產也。』持此說者，爲瓦穀那謝

佛列。其二謂大地完全在資本之外。若曰：「彼主張土地爲資本一部分者，分土地爲「原始土地」與「人爲土地（指已事開墾施肥灌溉道路隄防之一部分土地）」二種；謂前者爲生產第一要素之「土地」，後者爲生產第三要素「資本」之一部分者也。但吾人於土地之孰爲原始部分，孰爲人爲部分，極難劃分，設從此說，則土地與資本生產之兩大要素間，勢且缺乏明瞭之區別，不若以土地置諸資本以外，而斷定：「資本者、儲供生產或營利之土地以外之財產也」爲宜。」持此說者，爲菲律勃齊等。

是二說者，各有理由，吾人則從前說；何則？若置土地於資本以外，則彼大地主亦將爲無資本者矣。甚至工廠之房屋爲

資本，工場之基地則非資本矣，有是理耶？

第三節 生產資本與死資本

一班學者，因資本之是否利用，分資本爲生產資本與死資本二種。意謂生產資本爲現在用供生產之資本；死資本爲現在不供生產之資本。如市面恐慌時，停工之工廠，停用之機械，以及鄉愚埋藏地窖之貨幣，所謂「死藏之富者」，皆非生產資本，而可稱爲死資本，

然是說也，有大誤焉，卽混視死藏之富於死資本是也。夫資本本當爲生產的，此盡人所同認；果然，則死藏之富，非生產的，卽非資本。且所謂資本不可不爲生產的者，謂資本不可不以用諸生產之意思而儲藏之意也。然則現雖實際未用諸生產

，但使有用供生產之準備可矣。因此，市面恐慌時，停工之工廠，停用之機械，亦不能斷定其非資本；一旦市面恢復，照舊開業，即復使用，而今茲之停工停用，不過一時中止，則仍屬正式之資本，與彼死藏之富，無生產之目的者，不可同日語也。不然，則平日之工廠與機械，爲資本；而休息日之工廠與機械，則非資本矣。白晝開店時，店內貨物，爲資本；而夜間閉店時，店內貨物，則非資本矣。豈不謬歟？故論者以停工之工廠，停用之機械，與死藏之富齊觀，蓋誤之甚者也。且死藏之富，決不致永久不變，亦不能指爲死資本。停工之工廠，停用之機器，或完全爲資本，或全然爲非資本，亦視廠主之意思定之。既以廠主意思而決定其爲資本矣；若徒以現在未供生產之